



**UNIT KOMUNIKASI KORPORAT  
JABATAN PERIKANAN MALAYSIA  
BERITA PERIKANAN HARI INI**

**3 Disember 2020**  
**17 Rabiulakhir 1442H**

SENARAI AKHBAR	TAJUK
Utusan Malaysia	<ul style="list-style-type: none"><li>• 'Termenung' jualan ikan merosot</li></ul>
Berita Harian	<ul style="list-style-type: none"><li>• Sungai Kampung Melayu sumber rezeki penduduk</li></ul>
Harian Metro	<ul style="list-style-type: none"><li>• Rezeki lain 'menjenguk</li></ul>
Kosmo I	<ul style="list-style-type: none"><li>• Kerapu kertang 67kg dijual RM 2,680</li><li>• Peniaga ikan darat Rantau Panjang mengeluh</li></ul>
Sinar Harian	<ul style="list-style-type: none"><li>•</li></ul>
The Star	<ul style="list-style-type: none"><li>•</li></ul>
New Straits Time	<ul style="list-style-type: none"><li>•</li></ul>
Nanyang Siang Pau	<ul style="list-style-type: none"><li>•</li></ul>
Malaysia Gazette	<ul style="list-style-type: none"><li>•</li></ul>
Harakah	<ul style="list-style-type: none"><li>•</li></ul>
Malaysia Dateline	<ul style="list-style-type: none"><li>•</li></ul>
Bernama	<ul style="list-style-type: none"><li>•</li></ul>
See Hua Daily News (Kuching)	<ul style="list-style-type: none"><li>•</li></ul>
Guan Ming Daily	<ul style="list-style-type: none"><li>•</li></ul>
Sin Chew Daily	<ul style="list-style-type: none"><li>•</li></ul>

JENIS AKHBAR						MUKA SURAT	TARIKH
UTUSAN MALAYSIA	KOSMO	THE STAR	NANYANG SIANG PAU				
BERITA HARIAN	SINAR HARIAN	THE SUN	ORIENTAL DAILY				
HARIAN METRO	NEW STRAITS TIMES	THE MALAY MAIL	PELBAGAI				
KATEGORI LIPUTAN: POSITIF			NEGATIF		NEUTRAL		

## 'Termenung' jualan ikan merosot

Oleh YATIMIN ABDULLAH  
utusannews@mediamuka.com.my

**RANTAU PANJANG:** Para peniaga ikan darat pada musim tengkujuh tahun ini lebih banyak 'termenung' kerana kekurangan pelanggan berikutan Perintah Kawalan Pergerakan Bersyarat (PKPB) yang dikuatkuasakan di negeri ini.

Tinjauan *Utusan Malaysia* mendapati Jalan Rantau Panjang-Pasir Mas yang sememangnya terjejak sebagai 'port' jualan ikan darat kelihatan lengang berbanding tahun-tahun sebelumnya.

Peniaga, Nik Maznah Nik Isat, berkata, sejak PKPB berkuatkuasa, jualan ikan daratnya merosot sekali gus menjejaskan pendapatan keluarganya berbanding sebelum ini.

Menurutnya, kebiasaan dia mampu meraih pendapatan sehingga RM300 setiap kali musim tengkujuh dengan hanya menjual ikan darat yang ditangkap suami, Mohd. Darus Dollah, 60.

"Namun, sejak PKPB, kedatangan pembeli boleh dikira dengan jari. Kalau dahulu, ikan jualan saya habis sekejap sahaja. "Sekarang, mengambil masa untuk laku dijual kerana pelang-



NIK Maznah Nik Isat menunjukkan ikan darat yang dijualnya di sekitar Rantau Panjang.

gan tidak seramai dulu," katanya ketika ditemui *Utusan Malaysia* di sini semalam.

Nik Maznah memberitahu,

dengan hasil jualan ikan darat itu, dapatlah digunakan untuk menyara keluarga sepanjang musim tengkujuh.

Katanya, sepanjang tempoh PKPB sehingga semalam, kebanyakan pembeli ikan-ikan darat tertumpu dari kawasan sekitar sahaja

ekoran larangan merentas daerah. "Kalau dulu pelanggan yang datang beli ikan saya datang dari seluruh Kelantan," katanya.

JENIS AKHBAR						MUKA SURAT	TARIKH
UTUSAN MALAYSIA		KOSMO I		THE STAR	NANYANG SIANG PAU		
BERITA HARIAN	/	SINAR HARIAN		THE SUN	ORIENTAL DAILY		
HARIAN METRO		NEW STRAITS TIMES		THE MALAY MAIL	PELBAGAI		
KATEGORI LIPUTAN :		POSITIF		NEGATIF		NEUTRAL	

# JAGA SUNGAI KITA

## Sungai Kampung Melayu sumber rezeki penduduk

Keindahan landskap akan terus dipelihara pacu ekonomi setempat

Oleh Omar Ahmad  
bhnews@bh.com.my

**Iskandar Puteri:** Dalam kepesatan bandar yang membangun di kawasan Iskandar Puteri yang menjadi pusat pentadbiran Johor, sungai masih menjadi nadi utama bagi masyarakat nelayan di Kampung Sungai Melayu, dekat sini.

Kampung berkenaan yang di kelilingi kawasan paya bakau serta sungai mempunyai nilai keunikan tersendiri dengan keadaan persekitaran perkampungan yang sungguh memantapkan.

Terdapat 106 nelayan laut, 20 penternak kupang dan enam penternak ikan sangkar yang mencari rezeki di sepanjang 15 kilometer Sungai Kampung Melayu.

Kampung Sungai Melayu juga terkenal dengan aktiviti perikanan dan ternakan kupang, perusahaan kecil dan sederhana (PKS) termasuk belacan, ikan kering dan kraf tangan berasaskan kupang, yang menjadi nadi pertumbuhan ekonomi penduduk setempat.

Pengerusi Penyelia Khas De-



Sungai Kampung Melayu memiliki keistimewaan tersendiri sebagai tarikan pelancong.

(Foto Omar Ahmad/BH)

wan Undangan Negeri (ADUN) Kota Iskandar, Pandak Ahmad, 57, bersyukur sungai itu masih terpelihara walaupun tidak terlepas daripada sikap tidak bertanggungjawab segelintir pihak yang melepaskan bahan buangan sehingga pernah menjejaskan hasil tangkapan nelayan.

Menceritakan kejadian pencemaran ledakan alga pada 11 November lalu, Pandak berkata ia adalah antara contoh pencemaran yang berlaku.

Katanya, kes alga ketika itu lebih buruk daripada sebelumnya, biarpun tidak mendatangkan malarat yang teruk, namun pendapatan nelayan merudum ketana kekurangan ikan di ka-

wasan terbabit.

"Sebelum ini ada juga berlaku ledakan alga tetapi tidak dalam kelompok yang besar serta tidak berbau busuk. Kejadian itu berlaku dalam tempoh dua minggu sebelum pulih sepenuhnya."

"Kita percaya ia kejadian aian kerana jika cuaca terlalu panas dan tiba-tiba hujan, alga akan naik tetapi tidak berbau busuk seperti kejadian ledakan alga pada 11 November lalu. Kini fenomena itu pulih sepenuhnya," katanya.

Pernah dipilih sebagai projek perintis ekopelancongan menerusi Program Kawan Iskandar Malaysia pada 2013, kampung itu

bukan sekadar mampu menarik kedatangan pelancong, malah penjagaan sungai juga bertujuan mengekalkan warisan tradisi Kampung Sungai Melayu.

Pandak berharap kebersihan sungai itu dkekalkan bagi menjaga sumber pendapatan nelayan menerusi hasil laut dan ekopelancongan.

Katanya, bagi merancarkan lagi sektor ekopelancongan, kampung itu juga dalam perancangan untuk menaik taraf infrastruktur dan keluidahan landskap bagi menarik perhatian pelancong khususnya ketika Kejuhanan Sukan Malaysia (SUKMA) pada 2022 nanti.

Beliau berkata, pelbagai akti-



Sepanjang sungai ini, pengunjung boleh menikmati keindahan alam flora yang terpelihara, melakukan aktiviti mencari ketam menggunakan pento serta melawat kolam ternakan kupang.

Pandak Ahmad, Pengerusi Penyelia Khas ADUN Kota Iskandar

viti menarik boleh dilakukan pelancong asing dan domestik termasuk berpeluang menyusuri Sungai Melayu dengan menaiki bot yang mengambil masa kira-kira 40 minit.

"Sepanjang sungai ini, pengunjung boleh menikmati keindahan alam flora yang terpelihara, melakukan aktiviti mencari ketam menggunakan pento serta melawat kolam ternakan kupang."

"Sungai ini juga kelilingi paya bakau yang menjadi tumpuan mahasiswa dan juga penyelia dari universiti tempatan serta luar negara bagi menjalankan kajian mengenai habitat dan bakau," katanya.

JENIS AKHBAR

UTUSAN MALAYSIA	KOSMO !	THE STAR	NANYANG SIANG PAU	MUKA SURAT	TARIKH
BERITA HARIAN	SINAR HARIAN	THE SUN	ORIENTAL DAILY	19	3/12/20
HARIAN METRO	NEW STRAITS TIMES	THE MALAY MAIL	PELBAGAI		
KATEGORI LIPUTAN :	POSITIF	NEGATIF	NEUTRAL		

lokal



UDANG gantung yang terperangkap di dalam gogoh dipasang Mat Adnan.

MAT Adnan melihat Rohani menimbang udang gantung yang ditangkapnya.

# Rezeki lain 'menjenguk'

## Nelayan di Kampung Penarik tangkap udang gantung di kala musim tengkujuh

**Permaisuri**

Masih ada rezeki lain tersedia buat sekumpulan nelayan di sekitar Kampung Penarik, dekat sini, meskipun tidak dapat turun ke laut berikutan fenomena musim tengkujuh yang mula melanda negeri pantai timur, khususnya di Kelantan dan Terengganu. Udag gantung, spesies udang air tawar di Sungai Chalok menjadi hubuk rezeki bermusim buat nelayan di kampung yang terletak 58 kilometer dari Kuala Terengganu ini, demi meraih pendapatan tatkala tibanya musim monsun timur laut.

Mat Adnan Mohd Amin, 59, berkata, udang gantung ini hanya muncul di sungai pada musim tengkujuh dan

ia ditangkap menggunakan peralatan tradisional iaitu gogoh, sejenis perangkap diperbuat daripada buluh dan gumi yang berbentuk seumpama bubu. "Spesies udang air tawar ini akan muncul di sungai terutama Sungai Chalok pada musim tengkujuh. Ia dipanggil udang gantung kerana sifat semula jadinya yang merayap-rayap dan melekat atau tergantung pada pokok di sungai," katanya ketika ditemui di Kampung Penarik, di sini.

Mengulas lanjut mengenai kaedah untuk menangkap udang itu,



**Ia dipanggil udang gantung kerana sifat semula jadinya yang merayap-rayap dan melekat atau tergantung pada pokok di sungai"**

Mat Adnan

Mat Adnan anak jati kampung tersebut dan sedang menyara lima orang anak berkata, udang dan isi kelapa dimasukkan sebagai umpan ke dalam gogoh dan perangkap tersebut dibiarkan semalaman

di celah pokok di sungai berkenaan. "Dalam sehari, saya mampu mendapat hasil sehingga 18 kilogram udang gantung terperangkap di dalam gogoh," kata Mat Adnan yang mewarisi kepakaran menangkap udang gantung secara turun-temurun dari keluarganya.

Menurut beliau ada lapan nelayan dari Kampung Penarik yang turut menjadikan udang gantung sebagai punca rezeki setiap kali tiba musim tengkujuh dan hasil tangkapan bukan saja dijual kepada penduduk sekitar, malah peraih dan peniaga termasuk dari luar Setiu dengan harga antara RM18 hingga RM20 sekilogram.

Melalui aktiviti menangkap udang gantung dilakukan setiap pagi pada musim tengkujuh ini, beliau meraih pendapatan sehingga RM3,000 sebulan.

"Setiap hari, lebih kurang jam 7 pagi saya akan menaiki sampan untuk menangkap udang gantung. Dua jam selepas itu saya pulang dengan hasil tangkapan dan kebiasaannya sudah ada pembeli menunggu di rumah atau menempah beberapa hari lebih awal," katanya yang mempunyai 100 gogoh hasil buatannya sendiri.

Katanya, udang tersebut mendapat permintaan tinggi kerana rasanya lebih sedap berbanding spesies udang biasa di pasaran.

"Walaupun saiz udang gantung kecil, tetapi isinya lembut dan manis. Paling sedap dimasak gulai nasi dagang. Malah, ia sangat lazat walau hanya direbus dengan nisan (gula melaka) dan sedikit garam."

katanya yang menjual udang dibantu isteri, Rohani Embon, 58. Sementara itu seorang penjual daging, Mohamad Yusof, 72, berkata, beliau sanggup memandu sejauh 45 kilometer dari rumahnya di Jertih setiap hari, semata-mata ingin mendapatkan stok udang gantung dari nelayan-nelayan di Kampung Penarik.

Katanya, beliau membeli lebih 20 kilogram udang gantung setiap hari untuk dijual semula di gerainya di Kampung Gong Kepas di Jertih.

"Memang udang gantung mendapat permintaan tinggi kerana ia hanya boleh didapati pada musim tengkujuh. Lazimnya, 20 kilogram udang diletakkan di gerai pak cik akan habis terjual dalam masa tidak sampai sejam," katanya. - Bernama



UDANG yang ditangkap bakal dijual kepada peraih dengan harga RM15 hingga RM20 sekilogram.

MAT Adnan memasukkan udang ke dalam gogoh.

JENIS AKHBAR							MUKA SURAT	TARIKH
UTUSAN MALAYSIA		KOSMO	/	THE STAR		NANYANG SIANG PAU		
BERITA HARIAN		SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF				NEGATIF		NEUTRAL		

## Kerapu kertang 67kg dijual RM2,680

Oleh SHARKAWI LONDING

**KOTA TINGGI** - Seorang nelayan bagaikan mendapat rezeki datang bergolek apabila berjaya membawa naik seekor ikan kerapu kertang seberat 67 kilogram (kg) ketika turun mencari ketam di perairan Sedili Kecil di sini semalam.

Abdul Aziz Abdullah, 57, berkata, dia turun ke laut dengan menaiki bot pada pukul 8 pagi seorang diri untuk memasang jaring ketam di kawasan perairan terbabit.

Jelasnya, ketika perjalanan pulang ke darat, dia temampak

seperti ada barang hanyut berwarna hitam.

"Lepas pasang jaring ketam, saya nak baliklah, masa dalam perjalanan saya nampak macam ada benda terapung, mula-mula ingatkan sampah.

"Bila saya himpit nampak terlibat ikan kerapu kertang terapung, dia macam pening-pening lepas itu dia tenggelam balik. Lama juga saya tunggu dekat 20 minit sebelum ikan timbul balik," katanya ketika dinubungi di sini semalam.

Abdul Aziz berkata, dia cuba menangkap ikan tersebut namun tidak berhasil ekoran tiada

peralatan dan ikan itu terlalu besar sebelum dia ke jeti mendapatkan bantuan peraih serta nelayan lain.

"Beberapa nelayan lain membantu saya naikkan ikan itu sebelum dibawa ke darat, bila ditimbang berat ikan 67kg, ini paling besar pernah dapat, sehingga ini memancing dapat kerapu 50kg, kali ini macam rezeki datang bergolek," katanya.

Abdul Aziz berkata, dia mendapatkan bantuan peraih ikan sebelum dapat dijual kepada seorang pembeli yang merupakan muafak dengan harga RM2,680.



ABDUL AZIZ menaiki ikan kerapu kertang seberat 67kg menggunakan kereta sorong di Jeti Nelayan Sedili Kecil, Kota Tinggi semalam.

JENIS AKHBAR							MUKA SURAT	TARIKH
UTUSAN MALAYSIA		KOSMO!	THE STAR		NANYANG SIANG PAU			
BERITA HARIAN		SINAR HARIAN	THE SUN		ORIENTAL DAILY			
HARIAN METRO		NEW STRAITS TIMES	THE MALAY MAIL		PELBAGAI			
KATEGORI LIPUTAN: POSITIF			NEGATIF		NEUTRAL			



**NIK MAZNAH** menunjukkan ikan darat yang dijualnya di tepi Jalan Rantau Panjang-Pasir Mas di Pasir Mas semalam.

## Peniaga ikan darat Rantau Panjang mengeluh

**PASIR MAS** - Kebanyakan peniaga ikan darat di Rantau Panjang di sini mengeluh apabila hasil jualan mereka kini berkurangan berbanding musim tengkujuh sebelum ini.

Mereka mendakwa, pelaksanaan Perintah Kawalan Pergerakan Bersyarat (PKPB) yang berkuat kuasa di negeri ini sejak 21 November lalu adalah antara punca jualan tidak laku apabila orang ramai tidak dibenarkan merentas daerah.

Tinjauan Kosmo! di Jalan Rantau Panjang-Pasir Mas di sini yang sebelum ini sibuk dengan urusan jual beli ikan darat mendapati, suasana di kawasan itu lengang.

Seorang peniaga, Nik Maznah Nik Mat, 50, berkata, sejak pelaksanaan PKPB, jualan ikan darat di gerainya merosot sekali gus menjejaskan

pendapatan keluarga.

Menurutnya, kebiasaan dia mampu meraih pendapatan kira-kira RM300 sehari dengan hanya menjual ikan darat yang ditangkap oleh suami Mohd. Darus Dollah, 60.

"Bagaimanapun, sejak kebelakangan ini, kedatangan pembeli di gerai kami hanya boleh dikira dengan jari.

"Saya tetap bersyukur apabila ikan-ikan darat yang ditangkap oleh suami tetap habis dijual meskipun mengambil masa yang lama berbanding sebelum ini yang begitu laris," katanya ketika ditemui semalam.

Ujarnya, dia menjual pelbagai jenis ikan darat antaranya ialah keli kayu, sembilang, sebarau, haruan dan puyu.

Katanya, ikan-ikan itu ditangkap dengan cara menahan pukut.